

Qishloq hayoti

O‘ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2022-yil 10-fevral, payshanba

№ 05 (9169) -son

e-mail: infoqishloqhayoti@mail.ru @Qishloqhayoti_gazetasi

Ўзбекистон Республикаси Президентининг
ҚАРОРИ

ЎЗБЕКИСТОН RESPUBLIKASIDA ЧОРВАЧИЛИК СОҲАСИ ВА УНИНГ ТАРМОҚЛАРИНИ РИВОЖЛАНТИРИШ БЎЙИЧА 2022-2026 ЙИЛЛАРГА МЎЛЖАЛЛАНГАН ДАСТУРНИ ТАСДИҚЛАШ ТЎҒРИСИДА

Мамлакатда чорвачилик маҳсулотлари ишлаб чиқаришни кўпайтириш ҳисобига озик-овқат хавфсизлигини таъминлаш, ишлаб чиқаришнинг замонавий усуллари кенг жорий этиш, бу орқали қўшилган қиймат занжирини яратиш, кооперация муносабатларини ривожлантириш, чорвачилик соҳаси ва унинг тармоқларини давлат томонидан қўллаб-қувватлаш, шунингдек, мазкур соҳада замонавий ахборот-коммуникация технологиялари ва илм-фан ютуқларидан самарали фойдаланишни ташкил этиш мақсадида:

1. Қуйидагилар:

Ўзбекистон Республикасида чорвачилик соҳаси ва унинг тармоқларини ривожлантириш бўйича 2022-2026 йилларга мўлжалланган дастур (кейинги ўринларда – Дастур) **1-иловага** мувофиқ;

Ўзбекистон Республикасида чорвачилик соҳаси ва унинг тармоқларини ривожлантириш бўйича 2022-2026 йилларга мўлжалланган дастурда белгиланган вазифаларни 2022 йилда амалга ошириш бўйича “Йўл харитаси” **2-иловага** мувофиқ тасдиқлансин.

Дастур тегишли даврга мўлжалланган мақсадли параметрлар ва асосий йўналишлардан келиб чиқиб, ҳар йили Вазирлар Маҳкамаси томонидан тасдиқланган “Йўл харитаси” орқали босқичма-босқич амалга оширилиши белгилаб қўйилсин.

2. Қуйидагилар Дастурни амалга оширишнинг устувор йўналишлари этиб белгилансин:

аҳолини чорвачилик маҳсулотлари билан барқарор таъминлаш ҳамда чорвачилик ва унинг тармоқларида ишлаб чиқариш имкониятларини кенгайтириш, ушбу соҳада озик-овқат хавфсизлигини таъминлашга оид давлат сиёсатининг самарали амалга оширилишини таъминлаш;

чорвачилик соҳасида сифат назоратини кучайтириш, экспортга йўналтирилган рақобатбардош маҳсулотлар ишлаб чиқариш ҳажмини ошириш, қўшилган қиймат занжирига эга маҳсулотлар ишлаб чиқаришни назарда тутувчи қулай тадбиркорлик муҳитини ривожлантириш;

(Давоми 2-саҳифада)

Ўзбекистон Республикаси Президентининг
ҚАРОРИ

ЧОРВАЧИЛИКНИ ЯНАДА РИВОЖЛАНТИРИШ ВА ЧОРВА ОЗУҚА БАЗАСИНИ МУСТАҲКАМЛАШ ЧОРА-ТАДБИРЛАРИ ТЎҒРИСИДА

Чорвачилик тармоқларини янада ривожлантириш, чорвачилик хўжаликларини молиявий қўллаб-қувватлаш, чорва озуқа базасини янада кўпайтириш, шунингдек, аҳолининг йирик чорвачилик хўжаликлари ва чорвачилик маҳсулотларини қайта ишловчилар билан ҳамкорликдаги фаолияти асосида (кейинги ўринларда – кооперация усулида) ўз хонадонларида чорва молларини боқилишни ташкил этиш ва чорва озуқа базасига бўлган талабини қондириш мақсадида:

1. Қуйидагилар:

пахта ва ғалла етиштирувчи субъектлар томонидан **2 миллион гектар суғориладиган ер майдонининг 10 фоизига алмашлаб экиш** таъминландиган ер майдонлари ҳажми **1-иловага** мувофиқ;

2022-2024 йилларда пахта-тўқимачилик, ғаллачилик ва шолчилик кластерлари томонидан ташкил этиладиган чорвачилик комплексларида **чорва бош сонини кўпайтириш ва чорвачилик маҳсулотларини ишлаб чиқариш прогноз кўрсаткичлари 2-иловага** мувофиқ тасдиқлансин.

2. Бош вазир ўринбосари Ш.Ғаниев, Қорақалпоғистон Республикаси Вазирлар Кенгаши, вилоятлар ҳокимликлари ҳамда Ветеринария ва чорвачиликни ривожлантириш давлат қўмитаси (Б.Норқобилов):

Қишлоқ хўжалиги вазирлиги билан биргаликда мазкур қарорга **1-иловага** мувофиқ ҳажмдаги ер майдонларида беда ва чорва озуқа экинлари экилишини;

“Ўзбекистон пахта-тўқимачилик кластерлари” уюшмаси ҳамда пахта-тўқимачилик, ғаллачилик ва шолчилик кластерлари билан биргаликда мазкур қарорга **2-иловага** мувофиқ кластерлар томонидан **500 – 1 000 бошга** мўлжалланган чорвачилик комплекслари ташкил этилишини таъминлашини.

(Давоми 2-саҳифада)

ҚОРАҚАЛПОҒИСТОН RESPUBLIKASI

ИМТИЁЗЛАР ТАДБИРКОРЛИК РИВОЖИГА ХИЗМАТ ҚИЛМОҚДА

Нукус шаҳридаги “KUSHMAG” масъулияти чекланган жамиятида замонавий эшик ва темир дарвозалар ишлаб чиқариш йўлга қўйилган.

Корхона маҳсулотларига аҳоли ҳамда корхона ва ташкилотлар томонидан талаб юқори. Буюртма асосида маҳсулотлар Қорақалпоғистон Республикасидан ташқари, Хоразм, Қашқадарё, Сурхондарё вилоятларига етказиб берилмоқда.

– Давлатимиз раҳбари ташаббуси билан юртимизда кичик бизнес ва хусусий тадбиркорлик субъектлари фаолияти учун катта имтиёзлар берилмоқда, – дейди МЧЖ раҳбари Марат Комеков. – Биз, тадбиркорларга тижорат банклари томонидан имтиёзли кредит маблағлари ажратилиб, солиқ тўлашда ҳам энгилликлар яратилди. Бу фаолиятимиз ривожига муҳим аҳамият касб этмоқда.



Сўнги 4-5 йил ичида мазкур корхона цехлари замонавий ускуналар ҳамда асбоб-анжомлар билан таъминланди. Натижада ишлаб чиқарилаётган маҳсулот сифати ва тури янада ортди. Бундан ташқари, корхонада меҳнат қилаётган ишчиларнинг ижтимоий аҳволи ва ойлик маоши яхшиланди. 2012 йили 2 киши билан фаолият йўлга қўйилган бўлса, айти пайтда бу ерда 60 дан зиёд киши меҳнат қилмоқда.

Келгусида корхонада маҳсулотларни замонавий автоматлаштирилган конвейер усулида ишлаб чиқаришни йўлга қўйиш, ишчилар сонини кўпайтириш ва экспертни амалга ошириш режалаштирилган.

Мақсад ҲАБИБУЛЛАЕВ (ЎЗА)
олган суратлар.

Жон РАЙТ:

ЯНГИ ЎЗБЕКИСТОННИНГ ФАРОВОН КЕЛАЖАГИГА ҲИССА ҚўШАЁТГАНИМДАН МАМНУНМАН



Миллий матбуот марказида Ўзбекистон Республикаси Сув хўжалиги вазирининг давлат-хусусий шериклик ва рақамли технологияларни ривожлантириш бўйича маслаҳатчиси Жон Александр Райт иштирокида “Ўзбекистоннинг сув хўжалиги соҳасидаги ислохотлар хорижлик эксперт нигоҳида” мавзuida матбуот анжумани ўтказилди.

Жон Райт Янги Зеландиянинг Жанубий оролидаги Ашбертон шаҳрида туғилган. У Янги Зеландиядаги Линкольн университетини тамомлаган. Сўнги 15 йил давомида Янги Зеландия фермерлар кооперативи номидан янги ирригация инфраструктураларини яратиш (эскиларини модернизация қилиш) ишларига раҳбарлик қилди. Кооперативлардан бирининг бош директори сифатидаги фаолияти чоғида Кентерберидаги 25 минг гектар майдонга қувур орқали сув етказиб бериш схемасини ишлаб чиқди. Жон Райт 2021 йилнинг апрелидан Ўзбекистон Республикаси Сув хўжалиги вазирининг маслаҳатчиси сифатида фаолият юритиб келмоқда. У давлат-хусусий шериклик ва аутсорсинг хизматини жорий этиш, шунингдек, сув ресурсларини бошқаришда рақамли технологияларни бошқариш йўналишларида иш олиб бормоқда.



БАРҚАРОР ГАЗ ТАЪМИНОТИ – АСОСИЙ МАҚСАД

НАВОИЙ ВИЛОЯТИ

Навоий вилоятида аҳолини табиий газ билан узлуксиз таъминлаш мақсадида “Hududgaz Navoiy” газ таъминоти филиали ходимлари томонидан изчил ишлар амалга оширилмоқда. Хусусан, жорий йилда вилоят бўйича 1,4 км. газ қувурлари мукамал таъмирланиб, Кармана, Хатирчи туманларида айти қиш-қировли кунларда газ босими пасайиши ёки узилиб қолиши билан боғлиқ муаммолар бартараф этилди.

Бундан ташқари Қизилтепа, Навбахор ва Хатирчи туманлари ҳамда Навоий шаҳридаги жами 6,9 км. газ қувурлари реконструкция қилинди. Ушбу тадбирларни амалга ошириш учун 686 миллион 900 минг сўм маблағ сарфланиб, натижада жорий йилда вилоят бўйича жами 1800 та хонадонда табиий газ таъминоти яхшиланди.

Ҳозирда табиий газдан фойдаланаётган аҳоли хонадонларига “ақлли” ҳисоблагичларнинг ўрнатилиши орқа-

ли табиий газнинг иқтисод қилиниши ва газдан ноқонуний фойдаланиш ҳолатларининг олди олинмоқда. Бугунги кунда вилоятда жами 102 670 та “ақлли” ҳисоблагич ўрнатилиб, барчаси ҳақидаги маълумотлар махсус базага киритилди. Замонавий ҳисобдондан фойдаланаётган истеъмолчиларнинг сарфлаган табиий газ ҳисоби энди автоматлаштирилган тизим орқали назорат қилинмоқда.

Сирож АСПОНОВ (ЎЗА)
олган сурат.



САМАРҚАНДА АМИР ТЕМУР БОҒЛАРИ ҚАЙТА ТИКЛАНМОҚДА

Тарихдан яхши маълумки, соҳибқирон Амир Темур бобомиз нафақат тарихий-меъморий ётадалар, балки ўзига хос бетақор тарҳдаги боғларни барпо этишга ҳам алоҳида эътибор қаратган.

Унинг ҳукмронлиги даврида ташкил этилган “Боғинақш”, “Боғижаҳон”, “Боғибеҳишт”, “Боғишамол”, “Боғидавлатобод”, “Боғимайдон”, “Боғибаланд”, “Боғичинор” сингари бетақор боғлари ҳам юқоридаги фикримизнинг ёрқин далилидир. Ўз даврида Самарқанд боғлари тўрт бурчак шаклда барпо этилган.

Ҳозирда ҳам юртимизда замонавий боғдорчилик тизимини яратишга алоҳида эътибор қаратилмоқда, замонавий интенсив боғ ва тоқзорлар яратилмоқда. Рақамларга эътибор қаратилса, 2016 йилга қадар биргина Самарқанд туманидаги боғ майдонларининг 500 гектари интенсив боғларни ташкил этган бўлса, ҳозирги кунда 4820 гектар замонавий интенсив боғ ва 4415 гектар тоқзорлар барпо этилди.

(Давоми 2-саҳифада)



СПОРТГА ОШНО ЁШЛАР

Юртимизда жисмоний тарбия ва спортни оммалаштириш ижтимоий сиёсатининг муҳим йўналишларидан бири этиб белгиланган.

Спорт аҳоли саломатлигини мустаҳкамлаш, ёш авлодни соғлом ва баркамол этиб тарбиялашда муҳим саналади. Бу орқали жамиятда соғлом турмуш тарзи қарор топади. Турли касалликлар, ёшлар ўртасида зарарли одатларнинг олди олинади.

Сурхондарё вилояти Ангор тумани Новшаҳар маҳалласидаги 12-умумтаълим мактабида ташкил этилган кураш тўғраги ҳам туман ёшларининг бўш вақтини мазмунли ўтказиш ва уларни спортга ҳамроҳ этишда муҳим вазифани бажармоқда.

Тўрт йилдан буён фаолият юритаётган кураш тўғрагида 30 га яқин ўғил-қиз спорт билан мунтазам шуғулланмоқда. Уларга мураббий Жўрабек Худойкулов курашнинг барча сир-асрорларини кунт билан ўргатиб бораётган. Ўқувчилар орасида 1 та халқаро, 1 та Ўзбекистон ва бир қанча республика доирасидаги мусобақалар ғолиблири бор.

Жонибек ҚўЗИМУРОДОВ
(ЎЗА) олган сурат.

